

Retningslinjer for tilskot til nærings- og miljøtiltak i skogbruket (NMSK) for perioden 2020-2023 i Voss herad.



Frå 01.01.2020 er det kommunane som har løyvingfullmakta for tilskot til alle skogbrukstiltaka etter «Forskrift om tilskudd til nærings- og miljøtiltak i skogbruket» (NMSK-forskrifta). Statsforvaltaren fordeler rammer til kommunane for dei statlege tilskotsordningane som omfattast av forskrifta. Det gjeld tilskot til miljøtiltak i skog, skogkultur/skogplantning, skogsveg bygging og skogsdrift med taubane, hest o.a.

Voss herad har send på høyring dei kommunale retningslinene for tilskot til NMSK til Voss skogeigarlag, Voss Bondelag, Voss Småbrukarlag. Det er ikkje kome merknader til retningslinene.

Retningslinene gjeld i fire år, for perioden 01.01.2020 – 31.12.2023.

Tilskot til miljøtiltak i skog:

Ein kan gje tilskot til fylgjande tiltak:

- Dekning av meirkostnader eller tap ved å gjennomføra skjøtseltiltak for å ta vare på og utvikla miljøverdiar.
- Delvis dekning av økonomisk tap knytta til langsiktig ivaretaking av spesielle miljøverdiar, der omsyn til desse krever at skogeigaren avstår for hogst eller legger om skogsdrifta.
- Dekning av meirkostnader ved skogsdrift for å unngå vegbygging som vil redusera «villmarksprega område».

Prioriteringar:

- Økonomisk tap knytt til langsiktig ivaretaking av spesielle miljøverdiar.
- Område som er registrert i naturbasen.

Tilskotssats:

- Miljøtiltak i skog; miljøverdiar knytt til biologisk mangfald, landskap og kulturminne – inntil 100 % tilskot

Det er eit vilkår for utbetaling av tilskot at miljøverdiane kan dokumenterast og at meirkostnadene eller tap er tilstrekkeleg dokumentert. Normalt skal tilskot til ein enkelt skogeigar ikkje overstiga 75.000 kroner.

Tilskot til bygging og ombygging av skogsvegar

I NMSK-forskrifta står det: «Det kan gis tilskudd til bygging av nye eller ombygging av eksisterende skogsveier når dette bidrar til helhetsløsningar som gir grunnlag for utnyttelse av skog- og utmarksressursene.»

Vidare står det at vegen skal vere godkjend etter forskrift om planlegging og bygging av landbruksvegar eller plan- og bygningslova.

Før anleggsarbeidet vert starta skal det utarbeidast ein byggjeplan godkjend av kommunen. På baksida av skjemaet SLF-903, søknad om tilskot til vegbygging, står det kva byggjeplanen skal innehalde.

Det er eit krav at vegen vert halde ved like i same standarden han vart bygd.

Voss herad vil arbeide for at transport av tømmer (frå stubbe til industri) skjer på ein rasjonell og kostnadseffektiv måte, samstundes som det vert teke omsyn til miljøet.

Voss herad har skriva opp alle kommunale vegar til 10 tonns aksellast, med unntak av vegar med redusert bereevne. Alle kommunale vegar som har snuplass for vogntog i enden, og som er prøvekøyrt, er skriva opp til 19,5 meter vogntoglengde. Likeins vert vegar som står i BK 10/50 opna for spesialvogntog for transport av tømmer (24 meter vogntoglengde og 60 tonn totalvekt).

Vegbygging skal i perioden styrast etter prioriteringar i forslag til Hovudplan veg for perioden 2014-2025, som vart vedteke i kommunestyret 10.04.2014.

Vegstandard:

Vegen må ha ein standard som er tilfredsstillande for den aktuelle bruken og skal byggjast i samsvar med gjeldande normalar for landbruksvegar. Vegstandarden må avpassast skogen og det aktuelle området. Større veganlegg bør vere planlagd av ein godkjend vegplanleggar. Veglinja skal vera stukken i marka og godkjent av heradet, jamfør landbruksvegforskrifta.

I særlege høve kan heradet vurdere å gje tilskot til traktorveg klasse 7. Dette gjeld når arealet med planta gran er mindre enn 100 dekar, når terrenget er eigna for vegklasse 5 (sommobilveg for tømmerbil utan hengar), eller når den offentlege tilkomstvegen ikkje er open for vogntog. Med under 100 dekar planta gran vil volumet vera sopass lite at kostnaden med å bygga vegklasse 5 truleg ikkje vil svara seg. I alle høve må tømmeret fram til veg som er open for vogntog. For å unngå ekstra kostnad med omlasting av tømmer (kiping med tømmerbil utan hengar), vil det då vera betre lønsemd i å frakta tømmeret heilt fram med lassbærar på traktorveg klasse 7, framføre å bygga ein dyrare veg i vegklasse 5.

Vegen skal byggjast etter den godkjende veglina, og anlegget skal føra fram til det punkt som er oppgjeve i søknaden.

Dersom offentlig tilslutningsveg ikkje held standard for vogntog (12,4 eller 15 meter lengde) eller ikkje har tilstrekkeleg tillate aksellast (under 8 tonn), bør veglag, vegplanleggjar og herade som skogbruksstyresmakt arbeide for å skrive opp den offentlege vegen. Dersom dette ikkje vert gjort bør det aktuelle veganlegget prioriterast ned for tildeling av tilskot.

Større fellesanlegg skal prioriterast høgt. For slike prosjekt må det også skipast veglag. Fordeling av kostnadene for anlegget skal gå fram av underskreve i skjema SLF-903, søknad om tilskot til vegbygging, og det framtidige vedlikehaldet skal vera ordna ved skriftleg avtale før tilskot vert utbetalt.

Det skal normalt ikkje gjevast tilskot til vegklasse 8 og vegar med lågare standard.

Prioritering

Følgjande prioritering gjeld:

- Vegar (nybygging eller ombygging) i samband med vindfallhogst
- Større felles tilkomst-/hovudveganlegg med mykje hogstmoden skog og store produktive skogareal og vegar bygde som sams tiltak etter Jordskifteloven
- Andre anlegg i tråd med hovudplan for skogsvegar
- Bilvegar framfor traktorvegar

Traktorvegar i vegklasse 7 kan likevel vere tilkomstveg. Hugs lønsemd bilveg/traktorveg der det løysast ut under 100 dekar, som nemnd ovanfor.

Tilskotssatsar

Tilskot til sekundærvegar/traktorvegar skal liggja i intervallet 25 – 45 %.

Tilskot til bilvegar og tilkomstvegar skal ligge i intervallet 30 – 60 % . Vegklasse 5 bør nedprioriterast.

Anlegg der det er brukt godkjend vegplanleggar kan få høgare tilskot med

- Detaljplanlegging +4 prosentpoeng
- utarbeiding av anbud +3 prosentpoeng
- oppfølging av anlegget under bygging +3 prosentpoeng

Skogsvegar i vegklasse 2 til 7 kan for vegens dekningsområde få tilskot med inntil kr 7 000 per dekar for areal i hkl 2 – 4 som er tilplanta med gran, og inntil kr 160,- per m³ gran og furuskog i hkl 5. For lauv inntil kr 100,- per m³ i hkl 5. Vegar som løyser mykje lauvskog og lite annan skog skal likevel prioriterast ned.

Bruk av skogfond med skattefordel må nyttast so langt det er råd. Det betyr at bygging av større veganlegg bør løyse ut monaleg med hogstmoden skog dei fem første åra etter bygging.

Dersom planen for eit veganlegg må endrast av omsyn til naturmiljø og friluftsliv, skal eventuelle meirkostnader som skuldast dette gå inn i tilskotsgrunnlaget. og det kan kompensert med ein noko høgare tilskotssats.

Tilskot til overordna vegplanlegging

Overordna vegplanlegging og motiverande arbeid er vesentleg for å få til rasjonelle og lønsamme veganlegg. Voss herad kan yte tilskot til overordna vegplanlegging og det er ein fordel at dette vert samordna på regionnivå. Statsforvaltaren samordnar dette.

Vilkår for tilskot

Tilskotet vert gjeve med vilkår om at vegen vert vedlikehalden i den standard den er bygd. Vedlikehaldsavtale skal vera underskriven av grunneigarane før tilskot vert utbetalt.

Det vert utført vedlikehaldskontroll på vegar som er mellom 10 og 20 år gamle. Statsforvaltaren gjennomfører kontrollane i lag med heradet.

Søknad, handsaming og utbetaling

Søknad skal skje på skjema SLF-903, søknad om tilskot til vegbygging, og sendast til Voss herad saman med kartgrunnlag. Voss herad registrerer søknaden i ØKS og prioriterer og handsamar han.

Kostnadane for vegen skal vere kjent før ein søker om tilskot. Anbod eller fast pris er vanleg.

Løyve til avkøyring frå offentleg veg skal vere gjeve før det vert søkt om tilskot.

Det skal først rekneskap for veganlegget med utgifter utan mva. Utgiftene i rekneskapen skal vere dokumentert med fakturaer eller timelister ved eigeninnsats. Grunnlag for utbetaling av tilskot er skjema LDIR-904, rekneskapsamandrag for skogsveganlegg.

Organisasjonsnummer og bankkontonummer til den som tilskotet skal betalast ut til må først på skjemaet.

Resultatkartlegging

Voss herad har ansvaret for gjennomføring av kontroll og minst kvar tiande av dei godkjende søknadene skal følgjast opp med synfaring. Dei som søker om tilskot er forplikta til å frigi opplysningar og akseptere dei kontrolltiltak som skogbruksmynda bestemmer.

Fylkesmannen og kommunen kan kontrollere at driftsområde er kvalifisert for tilskot og at drifta er gjennomført i samsvar med vilkåra i retningslinene og vedtaket om tilskot.

Tilskot til drift med taubane, hest o.a.

I NMSK-forskrifta står det: «Det kan gis tilskudd til utdrift av skogsvirke med taubane, hest o.a. Tilskudd kan bare gis der det er foretatt registrering av miljøkvaliteter i området. I områder der det ikke er foretatt miljøregistreringer, skal det stilles krav om gjennomføring av de førevar- tiltak som er nedfelt i Levende Skog standarder».

Det er utført miljøregistreringar i heile Voss herad etter MiS-metodikken (Miljøregistreringer i Skog).

Tilskot til drift i vanskeleg terreng skal berre gjevast når drifta blir gjennomført i hogstmoden skog og på ein slik måte at det blir teke omsyn til skogens funksjonar i forhold til biologisk mangfald, landskapsverdiar, kulturminneverdiar og friluftsliv.

Det er eit vilkår at det etter hogst av gran skal plantast att med gran. Skogfaglege vurderingar kan likevel vege mot dette.

Alder

Søkjjer må dokumentere alder på skogen (t.d. kopi av skogbruksplandata, borrhprøve eller tal årringar) i søknad om tilskot, før handsaming. Det skal takast prøver i ulike deler av hogstfeltet. Lågaste alder for å gje tilskot:

Bonitet	Lågaste totalalder	Tillegg til alder målt i brysthøgde
G26 og betre	55 år	+ 10 år
G23	60 år	+ 12 år
G20	70 år	+ 13 år
G17	80 år	+ 14 år
G 14	90 år	+ 16 år

Andre avgrensingar

Det kan berre utbetalast tilskot når drifta blir gjennomført utan særleg skade på spesielle miljøverdiar i området.

Det skal *ikkje* gjevast tilskot:

- dersom skogsdrifta kan motverka utbygging av eit rasjonelt vegnett innan eit naturleg avgrensa driftsområde
- til område som skal brukast til andre føremål enn landbruksproduksjon.

Tilskotssats

Tilskotssatsen til taubanedrift vert sett til 140 kr/m³. Det vert også gjeve eit tillegg på kr 20 kr/m³ til taubanedrifter der tømmeret vert kjørt fram med lastetraktor.

Prioritering

Hogst av stormfelt skog skal prioriterast.

Søknad og sakshandsaming

Søknad om tilskot skjer på skjema SLF-916: *søknad om tilskot til drift med taubane, hest o.a. før drifta vert sett i gang*. Utfylt skjema, kart, dokumentasjon på alder og underskrift av skogeigar sendast Voss herad seinast seks – 6 – veker før planlagd oppstart av drifta.

Følgjande skal leggjast ved søknad om tilskot

Dokumentasjon på at det er gjennomført miljøregistreringar i skog (MIS).

I område utan MIS-registreringar dokumentasjon på at det er gjennomført føre-var-tiltak i tråd med Levande Skog sine standardarar.

Detaljkart 1: 5000 som viser hogstområdet, miljøregistreringar og alle skogsvegar (bil- og traktorvegar), eventuelt kart direkte ført inn i ØKS

I kommunen sitt vedtak skal naturmangfaldslova sine prinsipp om offentleg mynde (§7) innarbeidast og leggjast til grunn for avgjerla om tilskot.

Det vert normalt gjeve ein arbeidsfrist på 3 månader frå vedtak er fatta.

Tilskot til skogkultur

Statsforvaltaren tildeler rammeløyvingar til kommunane med bakgrunn i aktivitet og prognosar frå kommunen og tildelt fylkesramme.

Skogbrukslova pålegg skogeigar å sørgje for tilfredsstillande forynging etter hogst, og sjå til at det er samband mellom hogstform og metode for forynging. Nødvendige tiltak for å leggje til rette for forynging skal setjast i gang innan 3 år etter at hogsten er skjedd.

I følge berekraftforskrifta er tilfredsstillande forynging planting eller naturleg forynging av same eller høgare produserande treslag enn det som er hogd.

Tilskot til forynging av skog og ungskogpleie er eit av dei viktige verkemidlane for å sikre framtidig skogproduksjon.

Tilskotssatsar skogkultur

- Nyplanting – 30 % tilskot etter hogst av gran
- Nyplanting - treslagsskifte frå furu/lauv til gran – 50 % tilskot
- Suppleringsplanting – 50 % tilskot
- Mekanisk etterarbeid – 80 % tilskot (50 % stat + 30 % kommune)
- Avstandsregulering – 80 % tilskot (50 % stat + 30 % kommune)
- Flaterydding – 50 % tilskot
- Kunstig kvisting – 50% tilskot
- Markarbeiding – 50 % tilskot
- Gjødsling fastmark – 50 % tilskot

Ekstra tilskot til suppleringsplanting (tillegg til ordinært tilskot)

Ved suppleringsplanting vert det gjeve eit sentralt tilskot på 60% for kostnaden av inntil 50 planter per dekar med krav om at plantetalet etter supplering tilfredsstillar det fastsette minimumstal per dekar.

Ekstra tilskot til tettare planting (tillegg til ordinært tilskot)

Ved nyplanting vert det gjeve eit sentralt tilskot på 80 % for kostnaden av inntil 50 planter ekstra per dekar. Sjå tabellen under.

Bonitet	Minimum plantetal per dekar etter supplering	Intervall for plantetal som utløyser tilskot for tettare planting
26	220	220 - 270
23	220	220 - 270
20	200	200 - 250
17	180	180 - 230
14	160	160 - 210
11	130	130 - 180

Resultatkartlegging

Kommunen har ansvaret for gjennomføring av kontroll og minst kvar tiande av dei godkjende søknadene skal følgjast opp med synfaring. Dei som søker om tilskot er forplikta til å frigi opplysningar og akseptere dei kontrolltiltak som skogbruksmynda bestemmer.

Statsforvaltaren og kommunen kan kontrollere at driftsområde er kvalifisert for tilskot og at drifta er gjennomført i samsvar med vilkåra i retningslinene og vedtaket om tilskot.

Kraftfondet

Det vert årleg gjeve 100.000 kr i tilskot frå kraftfondet til skogkultur. Løyvinga vert fordelt på skjøtseltiltak som mekanisk etterarbeid i plantefelt og avstandsregulering. Deler av løyvinga kan også nyttast til aktivitets fremjande skogkultur tiltak.

Skogfond

Skogfondordninga er ein viktig finansieringskjelde for blant anna skogkultur. Ordninga med skatefordel er særst lønsam for skogeigaren og bør nyttast i større grad. I samband med planlegging av hogst vil det framover vere særst viktig å avsetje tilstrekkeleg skogfond. Lågaste sats (4 %) er ikkje tilstrekkeleg til å finansiere framtidig skogkulturbehov til planting og ungskogpleie. For å finansiere eigendelen av forynginga og ungskogpleie må det settast av 10 - 15 %.

